

1. Upućeni su zahtjevi premijerima svih deset kantona i policijskim komesarima da se rukovodioci kantonalnih poreznih ureda uključe kao članovi kriznih štabova kantona, da se izvrši dezinfekcija poslovnih prostorija koje koriste organizacione jedinice Porezne uprave Federacije BiH, obzirom da u iste dolazi veliki broj poreznih obveznika i građana zbog predaje godišnjih poreznih prijava i drugih poslova iz nadležnosti Porezne uprave, zamolili smo da se određeni broj maski i rukavica ukoliko krizni štabovi raspolažu istim ustupe za zaposlenike Porezne uprave zbog problema sa kojim smo se susreli prilikom nabavke istih, da se pruži pomoć Poreznoj upravi angažovanjem policijskih službenika koji će pomoći u održavanju reda kako bi se izbjegla veća okupljanja i koncentracija građana na jednom mjestu, redovi, gužve i prenatrpavanje službenih prostorija jer ne posjedujemo fizičku zaštitu koja bi održavala red u poslovnim prostorijama.
2. Kao preventivna mjera kontinuirano se vrši dezinfekcija službenih prostorija i prošireni su ugovori koje imamo za čišćenje službenih prostorija u organizacionim jedinicama Porezne uprave FBiH.
3. Donesena je odluka da se radno vrijeme sa strankama ograniči na period od 8,00-12,00.
4. Izdato je Saopštenje za javnost da je produžen rok za predaju poreznih prijava do 30.04.2020. godine. te da se pozivaju porezni obveznici da porezne prijave dostavljaju elektronski, faksom ili putem pošte na adrese nadležnih organizacionih jedinica Porezne uprave Federacije BiH, a da originalne porezne prijave dostave naknadno nakon prestanka proglašenog stanja nesreće u Federaciji BiH.
5. Upućen je akt svim kantonalnim poreznim uredima da poduzmu mjere kako bi se na jednom mjestu organizovao prijem stranaka za tu organizacionu jedinicu, da se zabrani ulazak i kretanje stranaka po ostalim službenim prostorijama, da se upuzore porezni obveznici i građani da u redu ne smije stajati više od troje uz pridržavanje potrebne socijalna distanca od namjanje 1,5 metar između osoba, da se u svim organizacionim jedinicama istaknu obavještenja za porezne obveznike i građane o radnom vremenu sa strankama, podnošenju prijava i svih drugih zahtjeva i obrazaca Poreznoj upravi putem e-maila, faksa ili putem pošte.
6. Po preporuci Vlade FBiH određenom broju zaposlenika Sektora za informacionu tehnologiju data je saglasnost za rad od kuće, jer priroda posla koji obavljaju to omogućava.
7. Kako se prema procjenama kriznih štabova stepen rizika od širenja pandemije povećavao tako su se kontinuirano poduzimale aktivnosti za zaštitu zaposlenika. Dana 19.03.2020.godine upućena je preporuka svim kantonalnim poreznim uredima da angažuju samo nužan broj zaposlenika, da ograniče prijem stranaka te da obustave prijem stranaka ukoliko procjene da se ne može uspostaviti red da se primaju minimalno tri stranke uz razdaljinu od 1,5 metar.
8. Postupajući po Zaključku Vlade Federacije BiH V.broj 447/2020 od 20.03.2020.godine u vezi sa načinom rada u Vladi Federacije BiH, federalnim organima uprave, federalnim upravnim organizacijama i stručnim i drugim službama Vlade Federacije BiH u cilju sprečavanja širenja bolesti izazvane virusom COVID-19, Porezna uprava poduzela je sljedeće mjere: